

建寧府志卷之三十

人物

忠烈

宋

曹覲字仲賓建安人爲叔修古後以蔭補建州司
戶叅軍皇祐中以太子中舍知封州儂智高叛
陷邕管至封州州人未知兵士卒僅百人又無
城隍可守或勸覲遁覲正色叱之麾都監陳華
引兵迎封川令率鄉丁弓手繼進賊數百倍羣

建寧府志

卷之三十

忠烈

一

二百八十六
茂

兵敗走鄉丁亦潰覲率士卒決戰被執賊戒勿
殺猝使拜且誘之曰從我授汝兵柄妻汝女覲
不拜且大罵賊猶惜之徙置舟中不食者三日
探懷中印授從卒令間道以印上官賊知其無
降意殺之至死詬不絕投屍江中年三十五妻
劉氏聞夫死曰吾不可污于賊亦自經事聞贈
太常少卿謚忠肅妻封彭城縣君錄其四子後
田瑜安撫廣南爲立廟封州

詳見宋
史本傳

雷龍濟字畊祿號師古建安人鄉貢進士嘗舉義

兵赴崖山圖復王室歿于萬石灘

魏孝友字移可甌寧人卓犖不羈弱冠入太學欽宗初應詔論時政得失疏十餘上皆鯁切太學生陳東伏闕言事執政欲置東于獄孝友上書爭之大臣謂孝友黨東將加重譴上獨明其忠曰此直言也何傷會金人犯闕欽宗被畱孝友作長歌一篇情詞悽惋傳播金營又作書詣黏罕力辯伏軍門兩日不得達有別取孝友書觀之曰此前日作歌學士也慰諭使去傅亮勤王

建寧府志

卷之三十

忠烈

二

三百二十四
茂

檄爲幕府從事迎高宗于南京及卽位授迪功郎令定遠時群寇犯邑境孝友部兵出戰邑僚先遁孝友孤軍弗能支遂死之贈朝奉郎官其

一子

詳見宋史本傳

魏行可字當時甌寧人建炎三年詔求專對之才行可以太學生應募見高宗曰四郊多壘卿大夫之辱也臣不敢愛其死高宗亦嗚咽久之補右奉議郎假朝奉大夫充河北軍前通問使行可渡河見金人于澶淵金人畱之遺書金人警

以不戢自焚之禍金人逼其仕歎曰人誰無死
爲國死猶生也仰天號慟飲鴆而死事聞贈朝
奉郎秘閣修撰官其二子一弟復官其孫公壽

詳見宋
史本傳

劉頷建陽人與韜同祖紹興間廣州盜綦毋謹和
尚陷三水鎮頷時爲廣州叅謀帥兵勦捕後爲
淮東提刑金主亮趨淮東頷歿之

呂祉字安老建陽人宣和初上舍釋褐建炎初爲
右正言以論事忤執政通判明州紹興中知建

建寧府志

卷之三十

忠烈

三

三百十七
茂

康府與吳若陳充等講求東南防守利便著論
四篇上之大畧謂立國于東南者當聯絡淮甸
荆襄之勢今臨安僻在海隅移蹕江上然後可
以繫東南離散之心金人入淮韓世忠退保鎮
江祉乞親御六軍車駕至平江金人退却尋以
刑部侍郎充都督府叅議軍事劉豫分兵入寇
或請車駕回臨安祉獨抗言士氣當振賊鋒可
挫不可遽退以示弱上命祉視師江上馳入劉
光世軍督戰俘馘殆盡遷兵部尚書叅謀軍事

會統制官王德酈瓊不協德旣罷還祉乃密奏乞解瓊等兵柄語洩瓊大怨怒旣而有旨召瓊赴行在瓊懼遂以四萬人叛刼祉渡淮降劉豫至三塔距淮三十里祉下馬曰劉豫逆臣我豈見之歿則歿于此遂遇害時有得祉括髮之帛歸吳中者其妻吳氏持帛自縊以殉聞者哀之事聞特贈資政殿大學士慶元間詔立廟其地賜額忠顯

劉純字君錫建陽人少喜騎射以父蔭爲沙縣簿

建寧府志

卷之三十

忠烈

四

三百二十

茂

紹定間調湖北帳幹時邵武寇劉安國等群起延平盱撫漳泉之間悉懼其毒純道聞群寇迫近鄉邑歸散家財招募義勇爲討賊計撫守王遂請于朝命純知邵武縣純將所部并收郡之散卒軍勢爲之大振詔號其軍曰忠武建守趙訪夫乞移其軍從擊賊俘獲甚衆安國亦就擒翌日純率兵往招降爲賊所得不屈歿之事聞贈朝散郎謚義壯仍立廟麻沙

朱浚字涑源建陽人熹曾孫少負奇節累官吏部

侍郎尚理宗公主元兵入建寧王積翁棄城遁
浚與主入福州與知府王剛中歿守迨元阿剌
罕侵福安剛中以城降浚與主仰天大哭曰君
帝室王姬我大儒世胄受先皇厚恩義不可辱
俱飲藥歿贈朝散大夫

詹良臣字唐公崇安人崇寧間鄉舉調縉雲尉盜
方臘犯境良臣率弓兵往禦隨見執欲降之罵
曰若輩如有勇者當出歿力衛王室胡反耶往
年反者俱藁諸市肉爲狗鼠食若輩不鑒誅戮

建寧府志

卷之三十

忠烈

五

三百十二
茂

在卽尙欲降吾乎賊怒割其肉使啗之且吐且
罵不絕聲賊平徽宗聞而愍之官其子大方紹
興中拜僉書尋叅大政

翁延慶字德甫崇安人以父蔭補官靖康初知聊
城縣舉義兵從王若訥等勤王至汴京南薰門
與金人血戰歿之贈朝散大夫官其子世修世
修性剛直好學應湖北漕舉兩貢父子迭爲榜
首孫明允淳祐五年進士

劉給字仲偃崇安人民先仲子登元祐九年進士

累遷中大夫集英殿修撰改陝西漕使夏人攻靈武韜攝帥鄜延出奇搗之解其圍夏人願納款衆以爲詐韜獨明其不然密疏以聞詔許之西邊遂安尋乞祠除徽猷閣待制提舉崇福宮起知越州方臘陷杭睦越州大震官吏悉遁或具舟請行韜曰吾爲郡守當與城存亡益勵戰守備寇至城下擊敗之拜述古殿學士召爲河北河東宣撫叅謀官時朝廷用童貫蔡攸議與金人夾攻契丹韜以爲非計徙知眞定府改福州加延康殿學士尋落職會湖北盜起復起爲眞定帥單騎赴鎮招諭賊首柴宏至叩頭伏罪一路遂平郭藥師來降請馬以益其軍韜曰不惟擾民空內郡之馬付一降將非國之利奏罷之金人謀南牧韜諜得寔急以聞且陰治城守以待變後金兵至城下知有備而退拜資政殿學士充河東河北宣撫副使太原陷名入爲京城四壁守禦使欲款師以緩敵謀宰相沮罷之初金之入眞定也父老號呼曰使劉資政在豈

至此金人益知韜名及京城不守必欲得之□
相給以割地遣韜使金管金人命僕射韓正館
之僧舍正曰相國知君今用君矣韜曰偷生以
事二姓有死不爲也正又曰軍中議立異姓宜
與家屬比去取富貴韜仰天大呼曰有是乎歸
召指使陳灌等曰敵乃欲用我我當以死報國
耳灌等泣且拜韜曰死生命也卽手書片紙曰
金人不以予爲有罪而以予爲可用夫貞女不
事二夫忠臣不事二君况主憂臣辱主辱臣死

此予所以有歿也付灌持歸報諸子卽沐浴更衣酌卮酒而縊燕人歎其忠塋之寺西崗上遍題牕壁識其處死八十日乃就斂顏色如生年六十一建炎元年贈資政殿大學士謚忠顯賜旌忠褒節牌額韜莊重寬厚至臨大節毅然不可奪軍中家報有曰今日邊鄙多事只得盡忠死節餘事不足言蓋其見素定故能從容就義

如此靖康歿難之臣韜爲尤著

詳見宋史本傳

黃璘字邦美浦城人政和八年進士調拱州襄邑

丞靖康元年金人分兵襲拱州驅迫縣吏爲鄉導璘移病不出遂赴井歿時年四十建炎初搜訪歿節士事聞贈朝奉郎官其弟之子爲璘後者

潘中字民極浦城人崇寧進士知長溪縣建炎丙午二帝北狩拜詔涕泣交頤士民數千人見皆爲感慟會建卒葉儂叛長溪與建安接壤中慮其衝突命鄉人結忠義社預爲之備明年賊勢益張寧德令遺書告急中星夜赴之冒險以戰被執賊脇中使從中叱之曰吾恨不斬汝萬段肯與汝俱生耶遂遇害詔贈朝請大夫官其二子祀鄉賢

徐夢發浦城人與兄華老同登嘉熙二年進士累官至朝議大夫廣東招討使居官二十八年平恕仁慈未嘗一息忘忠孝凡討捕所至靡不望風來附元兵下江南夢發守仙霞關襲兵猝至左右皆潰夢發踞坐大罵遂遇害峻都聞之誅其加害者數人授其子平安軍同知祀鄉賢□

元

張昇字伯起建陽人九歲以神童舉入胄監及冠授校書郎官至江西儒學提舉至正戊戌陳友諒據豫章迫取諸司印昇曰焉能違義苟生以辱名投印井中不食歿

明

雷潛字孔昭建安人領宣德壬子鄉薦正統初授武選主事遷屯田郎中土木扈從歿于難贈奉議大夫

建寧府志

卷之三十

忠烈

九

二百六十六
茂

滕貞字尙默甌寧人領宣德鄉薦授韶州同知捐俸賑饑撫安翁源徭獍以治行擢禮部祠祭郎中正統己巳扈從北征歿于土木之難贈奉議大夫

王加封字抱赤右衛副千戶之臣子之臣饒于財然性節儉老且歿命昇巨簾廳事前召諸親友會曰吾以儉起家與諸君分甘絕少然吾豈爲吝者哉欲人善用吾財耳今與諸君訣宜各有贈因開巨簾散千金加封故豪俠甲申國變散

父遺財募義勇從軍婺源歿之閣部黃道周爲
文祭之且哭之慟曰明三百年豢養衛弁能效
忠死國者惟加封一人吾寧不傷哉

李大載字沆若甌寧學諸生家貧有志節或饗之
衣以鮮衣大載蹙然曰吾自有文繡在登席酣
飲旁若無人乙酉秋往謁孝陵被執慷慨就歿
黃大鵬字南溟建陽人節推麒麟曾孫少孤無力讀
書因求爲弟子都養每會講輒從旁竊聽塾師
陳王策異之令習舉子業崇禎庚辰第進士除
建寧府志

卷之三十

忠烈

十

一百七十
茂

建寧府志

龍游令時義烏兵叛逼龍游城下大鵬單車解
散邑賴以安乙酉秋巡仙霞關與鄭爲虹同歿
于浦城

歿事附

唐

童猛甌寧人剛勇好武乾符間舉爲節度副使練
兵禦盜從討黃巢歿于陣猛敬義先生遠祖有
廟在大葛巷

熊博建陽人其先有名儒登者避黃巢亂自南昌

徙入閩博有材勇尚氣節中和四年陳巖□□
觀察奇之表爲建州刺史時州治被巢焚□博
寓治建陽巖卒徐歸範據州叛以應王潮遂遇
害

宋

李之邵建安人建炎初爲新喻武尉隆祐太后幸
虔州扈從軍所過燔掠遂爲叛之邵扼之萬全
里兵敗不屈賊殺之賊魁聞其將歿之言誅其
害之邵者邑人立祠萬全

建寧府志

卷之三十

忠烈

十一

二百九十八
茂

王佐才字昌輔崇安人少遊邑庠有聲善談兵尤
精于射建炎間范汝爲竊發佐才總義兵禦之
又建陽弓級王延勝等聚衆擄掠佐才爲先鋒
討平之以功補承信郎後爲吉州水軍統領與
賊首胡義戰中流舟壞而歿尸猶僵立張弓挾
矢瞋目裂眦人初不知其已死也吉人爲之立
廟子伯寬以父澤補官

元

雷杭字彥舟建安人與兄機拱以易鳴於時嘗□

周易註解行世時稱雷氏易授儒學提舉遷武平縣尹調潮陽以死事贈奉化州知州官其子煜爲同知

雷燦字景星建安人領淞江鄉薦任泉州路塗嶺巡檢閩中亂起兵助王師歿贈將仕卽上杭主簿官其子壻祀學宮

葉景仁字天德松溪人少孤重信義至正壬辰自政和縣尉陞浦城縣尹奏省檄討政和西里寨賊值歲饑出家資餉兵先入南里遇賊邀擊敗

建寧府志

卷之三十

忠烈

十一

二百七十二
茂

之擒僂渠魁撫其脅從者俾歸生理次日進攻賊巢抵西里蛟龍橋賊悉衆來拒景仁復戰敗之乘勝深入後援不繼爲賊所執斷其右肱大罵而歿

明

龔錡字台鼎一字良器建安人宣德進士博學善詩字書遒勁授翰林編修坐累失官正統戊辰沙尤盜起應募爲大軍鄉導至高陽里爲賊所害所著有蒙集子沅進士

楊瑛字希王本浙江人父隲任建安丞遂家焉資性明敏文氣英發舉進士選爲庶吉士曹欽之變入朝遇害贈翰林編修

馮宣字文昭甌寧人生有膂力走及奔馬正統戊辰沙尤盜熾取道建之吉陽以邀截驛路宣與鄉人羅佛童范宗南范永清糾集鄉衆奮先攻之斬馘無算驛路遂通明年知府張瑛征勦高陽餘寇宣隨行至大湖嶺遇賊衆駭皆奔宣獨手殺數人後無繼者力屈而歿

建寧府志

卷之三十

忠烈

十三

三百六
茂

羅佛童字均善甌寧人有膽力重然諾正統戊辰與馮宣范宗南等協力糾衆拒賊使驛路無壅佛童有力焉明年又與馮宣隨征高陽餘寇至大湖嶺遇賊陷陣歿事聞朝廷褒其功黃智字惟哲浦城人景泰初鄉薦授化州知州時有寇擾雷廉突入其境智曰封疆之官與城爲存亡其曷避戰而歿

張德松溪人嘉靖間倭攻縣城城中歿守相拒三閱月倭造天車高與城等一倭跳入手舞大口

衆駭走德獨奮勇前斬之餘倭不知相尾上者
五六人德手不停力盡砍落城下尋率衆以引
火之物擲燒其車明日賊不敢近惟以銃彈打
城上德不避險竟爲流彈所斃倭解去所全一
縣生靈德之力也松人祠祀之

蔡志仁周日大皆壽寧人嘉靖初流徒聚劫鄰邑
震動二人奉檄領兵收捕賊勢猖獗衆皆散遁
二人獨當其鋒斬首數十級力屈賊執之不降
皆被殺分廵道伍希周檄府縣扁旌親爲文祭
建寧府志

卷之三十

忠烈

十四

一百七十二
茂

之復其家

國朝

皇清誥贈光祿大夫刑部左侍郎加三級振華鄭公
暨元配誥贈一品夫人徐太君合傳

大學士王 熙 宛平

公諱國佐字振華閩建安人也父贈光祿大夫世
敬母黃太夫人公幼而孤依兄母以成立天性
孝友事寡母甚謹自羈卯以至成人色養備至
黃夫人樂有賢子安享其奉燾考康強蓋八十
三年而後卒公兄弟三人仲兄國相出爲公伯

建寧府志

卷之三十

忠烈

十五

世賢之後公因心友于異乎羣從事伯兄國卿
竭誠盡敬以報其鞠育之恩不束帶不敢相見
三黨長老咸共嗟歎謂鄭氏內行之美世有令
德今又得此子矣平居尊尙正學慕本鄉前哲
葵西山眞希元之爲人以主敬窮理爲先格物
致知爲本間嘗過寒泉精舍訪考亭之遺跡觀
天光雲影庶幾遇之作而言曰昔賢雖往遺編
具存學者尊所聞行所知足矣以是學日益進
義理融浹於身心剛大克塞乎天地處約則隱

求無悶臨難則遂志成仁由其德業堅定取舍分明固非死生禍福之所能移也然邃養潛修韜光不耀故年踰強仕時亦無知之者順治丙戌

世祖皇帝御極之三年秋 王師定閩民安閭井矣乃金壇賊王祁者自江南竄入建安山谷中久蓄異志窺郡邑初定守兵單弱遂糾衆作亂於丁亥八月攻城城破賊得入抄掠無虛日士民皆被其害先是公慮寇禍將作挈家西鄉以避

建寧府志

卷之三十

忠烈

十六

未幾公妻徐夫人病甚無所得藥公不得已復挈之入城就醫畱長君今司寇先生重視弟妹於村舍 王師聞建寧不守發諸路兵討賊精騎被野賊窘甚不敢出戰城中人憤賊殘暴咸思反正賊黨洵懼定計將洗城突圍僥倖兔脫公自度不免先期誓曰吾平生砥礪名行今豈可以噉然不滓之身爲賊刃所污耶生雖不能手誅狂獠死當爲厲鬼以滅賊手書遺囑畱之墻隙中遂與徐夫人舉火自焚此戊子年四月

初三日事也司寇先生聞變趨赴公所見廬舍皆已煨燼於頽垣穴內得公遺囑有望吾兒勉爲忠孝上報君父下撫弟妹之語始知公暨夫人皆已伏節就煙灰中檢收遺骸悲慟無極絕而復甦時比屋皆燬惟遺囑旁數磚如故類有物呵護之者咸以爲忠孝所感云徐夫人搢珽公女溫惠有婦德相公奉事其姑聽婉而孝黃夫人常患劇疾公燃臂香以禱北辰願以身代夫人衣不解帶者數夕侍奉湯藥惟謹公之誠

孝格神致親老壽夫人與有力焉迨身陷危城隨夫赴義其霜雪之操稟凜與日月爭光尤閩閩中所難得者伯子卽司寇先生現任刑部左侍郎加三級讞法平恕爲時名臣仲子默現任萊州府濰縣令以清謹任事稱皆能世公之德者一女適儒士范天雯夫歿撫孤俾嗣有令緒足繼母氏之風公暨夫人以司寇先生貴六膺誥勅得令稱家世別有志不載論曰節義者天下之大閑生死者人生之大事聖賢於此每較其口

重而審處之求得其心所安而已公當寇變初
起出外求全於理可以不死迨夫恩存伉儷復
入危城尊生之術既乖守死之心靡二易云澤
無水君子以致命遂志蓋謂防慮既盡而於理
不可苟免也夫人執節殉夫臨大難不屈與哲
人烈士共不朽名柏舟之懿風施淑女嗚呼賢
哉夫人生禍福莫逃乎數中而非非常之數或出
於理外以公恂恂孝謹抱道幽潛夫人偕隱空
山可以相依白首一旦遭變貞凶可謂不幸然
非此則奇節不顯豈喆士賢媛天之玉成培篤
有非尋常理數之可測者乎然公之子孫方蟬
聯鵲起司寇先生榮勛庭堅人望如泰山北斗
則天道又未嘗不可信焉則公亦可無憾於九
原矣